

WSM

8 7



EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS,

Mbb-7

7

Kurtze Sünd

tröstliche Betrachtunge
vnsers heiligen Christlich
en Glaubens / vnd der fur-
nemesten Artickeln / in sonder
heit / von vergebung der sün-
den / Auferstehung des
Fleisches / vnd ewig
gem Leben /
Amen.

Durch Fürst Georgen
zu Anhalt / Thumprob-
sten zu Magdeburgk
vnd Meissen etc.

M. D. L.

Faint, illegible text in a Gothic script, possibly a title or header, with some red ink markings.

Second block of faint, illegible text in a Gothic script, also featuring red ink markings.

A single line of faint, illegible text in a Gothic script, possibly a signature or date, with red ink markings.

Fragment of text from the adjacent page, showing Gothic script characters including 'E', 'C', 'S', 'I', 'be', 've', 'ten', 'de', 'sch', 'für'.



In dem Na=
men vnser lieben Her=
ren Ihesu Christi/
Amen.



Aussim

bekentnus
vnser hei

ligen Christlichen Glau=
bens / so im Symbolo Apostolico
verfasset furnêlich zu betrach=
ten / meinem hertzlieben Bru=
der Fürst Johansen / inn s. l.
schwacheit / zu trost eilend vñ
kürzlich gestellet.

A:ij

Wenn

Wenn wir mit dem Hertzen
glauben zur gerechtigkeit /
vnd mit dem munde bekem
nen zur Seligkeit / die hohen Ar-
tikel / vnser allerheiligste Erihst-
lichen glaubens / sollen wir erstlich
wol vns einbildē / den waren Got
an den wir glauben / auff den wir
alle vnser zuersicht vnd vertra-
wen setzē / wie sich der selbige wa-
re Gott / in seinen Göttlichen wer-
cken vnd Worte geoffenbart hat.
Nemlich das der ware einige Got
ist / der ewige Vater / sein einge-
borner Son / vnser Herr Ihesus
Christus / vnd der Heilige Geist /
drey vnterschiedliche Personen / ein
einiges / ewiges / Göttliches we-
sen / Allmechtig / Gerecht / voller
Barmhertzigkeit vnd güte / Das
also vnser Hertz an dem waren
Gotte hange / in / in allen nöten
anruffe / zeitliche vnd ewige hülff-
fe / vnd Seligkeit von ihme / vnd
sonsten

sonsten von keiner andern Crea-
turn erwarre.

Zum andern sollen wir erken-
nen / seine vnaussprechliche liebe /
gegen dem armen Menschlichen
Geschlechte / in den allerhöchsten
vnd wunderbarlichsten Göttlich-
en Wercken / als inn der Schöpf-
fung / in der Erlösung / vnd in der
Heiligung / wie das auff's kürzte
vnd klerlichste / in solchem bekent-
nus nach einander erzelt wirdt /
nicht aus menschlicher vernunft /
sondern eingebung des Heiligen
Geists / in das heilige Symbolum
also verfasset / alles inn Göttlicher
Schrift gegründet.

Zum dritten / ist's nicht genug
das wir wissen / welchs der ware
Gott sey / vñ seine Göttliche werck
nach der Historia vnd dem geschä-
chte glauben / wie auch die Teuf-
fel glauben vnd erzittern / sondern
das wir one alles zweiffeln glau-
ben

A iij

ben

bē / das es alles vns / einem jeden
inn sonderheit / der es mit warem
Glauben annimpt / zu gute vnd
zur Seligkeit geschehen. Darum
sprechen wir / C R E D O, Ich
gleub es / Ich halte es fur gewis
vnd ware / zweiffel nichts daran /
alle mein zuuersicht / hoffnung /
vnd trost setze ich darauff / dar-
auff verlasse ich mich in leben vnd
sterben / daran kan ich nicht felen.
Es ist die Ewige vnwandelbare
Wahrheit.

Darumb müssen wir auch fur-
nemlich in der erzehlung diser aller
heiligsten Historia / von anfang
bis zum ende vleissig betrachten /
Das ende oder ursach / warumb
diese grosse / vnbegreifliche / Gött-
liche Werck geschehen / was vns
die fur Nutz vnd Frucht bringen.
Wes wir vnns der zu trösten ha-
ben / damit wir auch (wie der lie-
be Petrus sagt) das ende vnser
Glaub

Glaubens / Nemlich der Seelen
Seligkeit dauon bringen / Dar-
umb ist es vnserm lieben Gott zu-
thun / zn dem ende / ist es aus gro-
ser Götlicher liebe alles gerichtet.
Dieses wird auch mit kurtzē wor-
ten / inn den bekentnus vnser heil-
igen Christlichen Glaubens / als
zum beschlus / in diesen Worten be-
griffen / Ich Bleibe / etc.

Vergebung
der Sünde.

Wider die schult
vnd anklage des
Gesetzes vnd al-
len schaden vnd
elend / so die sün-
de mit sich brin-
get / als des Teu-
fels gewalt vnd
Gottes zorn.

Aufferste-
hung des
fleiches.

Wider die straf-
fe vnd Solt der
Sünde / Nem-
lich / den bitteren
Todt.

A iij

Vnd

Vnd ein ewi / wider die ewige
ges Leben. Verdamnus.

Darumb sollen wir diese drey
Artickel / als den Haupttrost / wi-
der vnser hochste noth gar vleis-
sig betrachten / vnd inn der letzten
stunde vns des trösten / vnd dar-
auff verlassen / Darumb ist das
andere alles geschehen.

Aus grosser vnaussprechlich-
er güte / hat Gott alle Creaturen
sonderlich / die Engelse vnd
Menschliche Natur erschaffen /
das Er inen seine grosse güte mit-
theilet / seine Verligkeit offenba-
ret / vnd auch wir arme Mensch-
en inn ewigem Leben / vnd vnuer-
genglicher vnentlicher freude / in
erkennen / loben vñ preisen sollen.
Das ist der Anfang / Ende vnd
Beschluss / das wir zum Ewigen
leben erschaffen sind / denn seine
lust vnd wolgefallen / ist inn vn-
serm

ferm Leben / Psalm 30. Sein zorn
weret ein Augenblick / vnd er hat
lust zum Leben.

Dieweil denn aus verführung
vnd verleitung des Sathans / vn-
sere ersten Eltern Adam vnd De-
ua in diese höchste Sünde / wider
G D T gefallen / vnd das gantze
Menschliche geschlechte / des ewi-
gen Todes vnd verdammus schul-
dig worden. So hat doch die
Göttliche Maiestat aus vnermes-
licher güte vnd liebe zum Mensch-
lichen geschlechte / dasselbe nicht
wollen verderben lassen / sondern
seinen gerechten zorn mit Barm-
hertzigkeit gelindert / Vnd ist aus
wunderbarlichem rathe / der hei-
ligen Göttlichen Dreifaltigkeit be-
schlossen / das der Son Gottes sel-
ber / damit Göttlicher Gerechtig-
keit eine genugsame vnd würdige
bezahlung geschege / das Sünopf-
fer für vnser aller Sünde werden
A v sollte

solte / dadurch Gottes zorn abge-
wand / die Sünde bezalt / vnd wir
aus dem Tode / vnd ewigem Ver-
damnus zum ende / darumb wir
erschaffen / das ist zum ewigen le-
ben wider kemen.

Darumb ist er vom Heiligen
Geist entpfangen / vnd von der
Jungfraw Marien geboren / dar-
umb hat er gelitten vnter Pontio
Pilato / ist Gecreutziget / Gestor-
ben / Begraben / vnd in die Nelle
gefare / darumb ist er auferstan-
den von den Todten / gen Himel
gefare / sitzet zur rechten Gottes
des Himelischen Vaters / zukünff-
tig / zurichten / die lebendigen vnd
die todten. Darumb sendet er vns
seinen Heiligen Geist / inn vnser
hertz / zündet ein newes liecht an /
wirckt inn vns / diesen Glauben /
samlet im ein ewige Kirche / die im
erkenne / ewig lobe vnd preise.

Darumb sendet er aus inn die
GANZ

Gantze Welt / trewe Lehrer / lesset
durch sie verkündigen das Euan-
gelium / das ist das wort der gna-
den / Warumb dieses alles? Neme-
lich / Wie vnser aller heiligster
glaube schleust / das wir dadurch
haben vnd erlangen.

Vergebung der Sünde.
Aufferstehung des Flei-
sches.

Vnd ein ewiges Leben.

Da bekennen wir / das wir
diese Artickel glauben / fur
gewisse vnd war halten /
entlich das hoffen vnd gewislich
erwarten / Wo durch? Vmb des
Leidens / Sterbens / Aufferste-
hung vnd Dimmelfart willen /
vnser lieben Herrn Ihesu Chri-
sti / welcher ist warer Mensch ge-
worden / das Er hat können das
Opffer werden / fur die Sünde /
als

Als ein Versüner sterben. Vnd hat
müssen auch Göttlicher Natur
sein / dadurch er hat mögen dem
vnmeslichen zorn Gottes ertra-
gen / den Tod vberwinden / ihme
seine macht nemen / vnd durch sei-
ne gewaltige Auferstehung das
Leben / vnd ein vnuergänglichs we-
sen / wider ans Liecht bringen / 2.
Timoth. 1.

Wenn wir nu an den Artickel
kommen / **ICH** glaube verge-
bung der Sünden / Denn zu al-
len Artickeln gehört das Wort /
(**ICH GLEUBE**) Als denn
soll das Wertz stille halten / vnd
diesem Hauptartickel raum gebē.

Vergebung der Sünden.

Da sollen wir anfenglich be-
dencken / vnser verterbte
Natur / vnd grosse sünde /
wie vns die im Göttlichen Gesetz
er-

eröffnet / vnd den vnermeslichen
zorn Gottes wider die sünde / der
nicht anders / noch durch keine
Creatur hat mögen versönet wer=
den / denn allein / durch den vn=
schuldigen Todt seines eingebor=
nen Sons. Widerumb aber auch
festiglich glauben / das alleine vñ
des willen / one alle vnser eigen /
vnd aller Creaturn verdienst vnd
würdigkeit / sondern aus lautern
gnaden / vmb des verdiensts / des=
selben eingebornen Sons / vnser
Derrn Ihesu Christi / vnser eini=
gen Mitlers vnd Versöners wil=
len / vns die Sünde vergeben vnd
zugedeckt ist / das nun Gott nicht
mehr vns diezurechnen wil / noch
mit vns zürnen / sondern das Er
vns als gerecht / zu seinen lieben
Kindern auffgenommen hat.

**Aufferstehung des Flei=
sches.**

So

So nun die Sünde vergeben
vnd wir inn gnaden sind / so mus
auch die Straffe vnd Solt der
Sünden auffgehoben sein / Nem
lich der Todt / wie denn der Herr
selber beteuret mit seinem Lide /
Johan. 5. Warlich / warlich sage
ich euch / wer mein Wort höret /
(Nemlich das wort der Gnade /
von vergebung der Sünden) vnd
glaubt dem der mich gesand hat /
Kompt nicht in das Gerichte / son
dern er ist ins leben durch den tod
hindurch gedrungen.

Vnd wie vnser Heupt Jesus
Christus nicht im Tode blieben /
sondern frölich auffstanden. Al
so können noch mögen wir seine
Glieder im Tode nicht behal
ten werden / sondern werden ge
wislich inn grosser Klarheit mit
Seel vnd Leib widerumb auffer
stehen / Wie der Artickel vnser
Christlichen Glaubens auch an
zeigt /

zeigt. Ich glaube die Auferstehung des Fleisches / da wir auch festiglich one alles zweiffeln glauben / das dieser vnser gegenwertiger Leib / mit Fleisch / Haut / Gebein / Geedern / Blut / vnd allen seinen Gliedmassen / nun hinfurt vnuerweslich verklarert / von dem leiblichen Tode / vñ aus dem grabe / von vnserm Weilandt Ihesu Christo erwecket / widerumb er stehen wird.

Vnd haben sich allezeit die lieben Peter vnd gleubigen Christen / mit diesem Artickel auffshöchst getröst / Als der liebe Joban 19. sagt / Aber ich weis / das mein Erlöser lebet / vnd er wirdt mich darnach aus der Erden auf erwecken / vñ werde darnach mit dieser meiner Haut vmbgeben werden / vnd werde in meinem fleisch Gott sehen / denselben werde ich mir sehen / vnd meine Augen werden in schawen. Da

Da sihet der liebe Job mit dem
hellen augen des glaubēs / gantz
ferne auf vnsern lieben Herrn Je
sum Christū / vñ tröstet sich dessel
bigen zukünftigen Messia vñ erlö
fers / verkündigt gantz klar / seine
herliche Auferstehung / vnd ihre
Frucht / das auch die eine vrsache
vnd krefftige Wirkung ist vnser
Auferstehung / da er spricht. Ich
weis das mein Erlöser lebt (Nem
lich durch sein Todt mich von der
Sünden / Gottes zorn / des Teu
fels gewalt / vnd ewiger verdamm
nus erlösen wird) dz nemlich ders
selbige mein Erlöser lebt / denn es
vnmöglich / das inen der Tod be
halten könnte. Psalm. 16. Act. 2. vnd
13. Darum dieser mein trewer Er
löser / mich auch nicht im Tode
wird stecken lassen / Sondern ich
bin gewis / des tröste vnd frewe
ich mich inn diesem meinem Lei
ben / vnd entlich im sterben. Das
er

er mich auch aus der Erden erwe-
cken wird / Also das ich inen den
waren Gott / inn meinem fleisch /
mit meinen selbst leiblichen Au-
gen sehen werde / Wie könnte er kle-
rer vnd tröstlicher daruon reden.

Also verwissigt auch derselbe
vnser Heilandt vnd Erlöser / mit
seinem selbst Munde vnd Lide /
das die Todten die Stimme des
Sons Gottes / hören vnd leben
werden / Auch aus den Grebern
herfur gehen. Vnd Johannis
14. Ich lebe / darumb sollt ir auch
leben / weil er / vnser Heupt lebt /
sollen wir mit im auch leben / vnd
wie er die verwesung nicht hat se-
hen mögen / So sollen wir auch
durch ihn von der verwesung ent-
ledigt / vnd in vnserm fleisch auch
wider lebendig werden.

Als denn diesen Artickel / von
Auferstehung vnser Fleisches /
B der

Der liebe Paulus I. Corinthern ist
mit gewaltiger beweifung ferner
ausfüret / dz vnfers lieben **DESS**
HEILIGEN **JESU** **CHRISTI** Auff=
erhebung / die vrsach ist / auch vn=
ferer Auferstehung / Zeigt auch
an / das aller vnser trost / an die=
sem Artickel gelegen / Denn sol=
ten wir nur auff Christum in die=
sem Leben hoffen / weren wir die
aller elendisten Menschen inn die=
ser Welt / darumb sollen wir die=
sen Trost feste halten / vnd vns
nicht lassen nemen.

Vnd ein Ewiges leben.

Als letzte vnd ende nu Göt=
licher Gnaden werck / vnd
vnfers Glaubens / ist das
Ewige leben / mit vnuerengli=
chem / vnaußhörlichem friede vñ
freude / I. Pet. I. Welche wir bey
Ihesu Christo mit allen auser=
wel

welten / ewig warhafftig haben
werden / Wie S. Paulus seinen
Thessalonichern vnd allen Chri-
sten / sich sonderlich darmit zutrö-
sten befilhet. Von dieser grossen
vnermeslichen Freude / auch der
heilige Paulus / aus dem Prophe-
ten Isaia rühmet / 1. Corinth. 2.
Isaie 64. das kein Auge ihē gese-
hen / noch Ohre gehöret / vnd in
keines Menschen Wertz gekom-
men / das der **DEUX** bereitet
hat denen / so auff in warten / vnd
inen lieben.

Aber zu diesem allen gehört
das Credo, vnd Amen / Nemlich
Amen inn Christo **IESU** / des
vns dieses alles verdient vnd er-
worben / vmb des willen der him-
lische Vater vnser Sünde vergi-
bet / vnd widerumb aus dem To-
de ins Leben / vnd das Reich sei-
nes lieben Sons / Coloss. 1. ver-
setzt /

setzt / vnnnd Erben der ewigen Sel-
ligkeit gemacht / Amen / Amen /
das ist gewis vnd war / das glau-
ben wir / daran zweiffeln wir gar
nicht / denn der vns verheisset / ist
gewis genug vnd die ewige War-
heit.

Durch diesen Glauben / wel-
cher Gotte die Ehre gibt / vnnnd in
warhafftig inn seinen Verheissun-
gen erkennet vnd bekennet / wird
solchs vns einem jedern in sonder-
heit zugeeignet.

Dieser Glaub macht vns al-
lein gerecht vnd Gott angenehm.

Dieser Glaube ist der einige
Schilt / wider alle Anfechtunge
vnd fewrige Pfeile des Satans.

Dieser Glaube ist allein / der
einige vnd krefftige Trost / inn al-
len Leiblichen vnnnd Geistlichen
trüb-

trübsaln / vnd todes nöthen / son-
derlich wider ein geengstes vnd be-
schwertes Gewissen.

Doch nicht vmb seiner des
Glaubens Wirdigkeit / Dignitet,
vnd größe willen / sondern vmb
Jesu Christi willen / welchen
der Glaube gantz / mit allen sei-
nen Himlischen vnd ewigen gü-
tern / fasset vnd begreiffet.

Vnd ob wol der Glaube inn
vns schwach vnd vnuolkommen
ist / so ist dennoch ein schwacher
Glaube / auch ein Glaube / Vnd
wil vnser lieber D E X X Ihesus
Christus / den schwachen Glau-
ben / als ein glimmend Döchtlein
nicht ausleschen / noch das zustof-
fene Rohr zubrechen.

Darumb wolle sich mein lie-
ber Bruder / wolgehaben vnd ge-
trost sein / inn dem D E X X I
B ij Ihe-

Ihesu Christo / vmb welches wil-
len wir nicht allein haben / verge-
bung aller vnser Sünde / Son-
dern auch mein lieber Bruder ste-
het vnd gehöret ihm zu / ist sein ei-
gen / vnd nicht der Sünden / nicht
der Kranckheit / des Todes oder
Teuffels / Sondern mein lieber
Bruder ist **WELCH** Ihesu / der
euch ihme selber erkauft / vnd
durch sein Leiden / vnd thewres
Blut erworben / inn seinen Wun-
den hat / daraus euch niemandt
nemen mag / Johan. 10.

Der **WELCH** Ihesus Chri-
stus hat euch auch / durch sein lei-
den vnd sterben / all ewer leiden /
schwachheit / Leiblich abscheiden
von dieser Welt also geheiligt /
das euch nicht schaden / sondern
nur zur grossen Verligkeit / die an
vns geoffenbaret werden soll / die
nen mus / dauon auch wol Sanct
Paulus sagen darff / Rom. 8. das
alles

alles leiden / dieser Welt nicht win-
dig ist / gegen der zukünfftigen
Werligkeit / die an vns soll geof-
fenbart werden.

Wider diesen vnsern heiligen
Glauben / ist auch alle **Lehre** /
die vns durch andere mittel vnd
Wege weiset / vergebung der sün-
de vnd ewiges Leben zuerlangen.
Denn durch diesen waren Glau-
ben an vnsern einigen Heilandt /
vnd Mitler Ihesum Christum /
der es vns allein erworben / dar-
umb auch vnser Glaube allein
auff sein verdienst gegründet / vñ
dadurch gewisse ist.

Also auch ist die **Lehre** / nicht
allein irrig / sondern auch versü-
rlich / schedlich / Gottslesterlich /
dadurch die höchste Majestet ge-
lestert wird / da gelehrt wird / das
man an solcher gnaden zweiffeln
vnd sich nicht gewisse darauff ver-
lassen

B iij

lassen

lassen solle / welche zweiffellehr
nur betrübtte Gewissen vollent zu
boden stößet / vnnd inn die Welle
wirfft / Ja vnserm lieben G D T
die höchste vnehr thut / wie der
heilige Johannis I. Epistola. cap.
s. zeugt. Wer G D T nicht gleu-
bet / der macht inen zum Lügner /
denn er gleubt nicht dem Zeug-
nus / das G D T zeuget von sei-
nem Son / vnd das ist das Zeug-
nus / das vns G D T das ewig
Leben hat gegeben / vnnd solches
Leben ist inn seinem Sohn / Wer
den Son G D T es hat / der hat
das Leben / werden Son Gottes
nicht hat / der hat das **LEBEN**
nicht.

Solchs hab ich euch geschrie-
ben / die ihr gleubt an den Namen
des Sons Gottes / auff das ihr
wisset / das ihr das ewige Leben
habt.

Da

Da bezeugt der liebe Johanes / das GOTT für ein Lügner gehalten wird / da man ime nicht gleubt / vnd das es alles darumb geschrieben / das wir wissen / vnd nicht zweiffelen / das wir durch den Glauben an den Son GOTTES / das Leben haben. Darumb gibt der Glaube / wie gesagt Gott die Ehre / das ers thut / vnd das Er warhafftig ist / inn seinen Verheissungen / vnd macht vns der Verheissung gewisse / weil die auff gnaden / vnd nicht vnser verdienst gegründet ist.

Inn diesem Glauben / sollen vnd können auch wir Gott allein anruffen / vnd inn zeitlichen vnd ewigen nöthen von ihme gewislich hülffe erwarten.

Denselbigen warhafftigen / lebendigen Glauben / wolle der Himlische Vater / vmb seines allerlieb

B v

lerlieb

kerliebsten Sons Ihesu Christi
willen / in vnsern Hertzen anzün-
den / vnd bis ins ende gnediglich-
en erhalten / durch den Geist der
gnaden vnd gebets.

Vnd sollen denselbigen Glau-
ben lernen / vnd teglich stercken /
durch sein heiligs Wort / vnd die
Nochwürdigen Sacrament / die
vns als gewisse versicherung / Si-
gel vnd Pfandt / solches Glau-
bens / auff die grosse gnade / von
ihme selbst verordnet sein.

Wolle vns auch gnade geben
das wir diesen Glauben mit Chri-
stlichen Früchten beweisen / vnd
das vbrige vnser Lebens zu sei-
nem lobe / vnd vnserm Nechsten
zum besten volführen. Vnd wolle
endlich vns auch beständigkeit inn
dem Glauben verleihen / bis ans
ende / vnd vnser arme Seele ne-
men in seine Hande / vnd vns am
Jüng-

Jüngsten tag / mit Leib vnd Seel
inn das ewige leben / lauts vnfers
heiligen Christlichen Glaubens /
samt allen lieben Heiligen auff=
nehmen. Das verleihe vns der
ewige Vater / durch seinen lieben
Son samt dem heiligen Geist /
disem einigen / ewigen / vnsichtba=
ren / gnedigen / Barmhertzigen
GOTT / sey lob / ehre vnd preis /
von nun an bis in ewigkeit. In
des gnade / schutz vnd schirm / ich
auch meinen hertzliebten Bru=
der / samt desselben geliebten Ge=
mahl / der jungen / vnd auch ganz=
tzen Werschafft / vnd auch allen
ihren verwandten / trewlich ent=
pfehlen thu / Amen. Dinstags
nach Vocem Iucunditatis Anno
L. 5. 50. zu Wörlitz.

Georg Fürst zu
Anhalt.

Manu propria.

Gedruckt zu
Leipzig durch Wolff-
gangum Günter.

Die Annuntiationis Mariae
EVA nunc mundo dedit hoc nomen retro
Fiet AVE, per quod fuit in Orbe salus
per Gabrielis AVE totum VE desinit E VA
Et redit in Christo gloria, Vita, Salus.

o mors cui Deus negat vitam
Super
Be Te Bis Nos Bis Nam.

Vinea dum fuit, vitas parvi, mortua vero
vitas portavit, et super vitas ambulavit.

Aeneasius

Quo fugiam, nisi a Deo irato ad Deum
placatum.

Inter omnia Dei opera nihil excellentius et
mirabilius, quam quod per mundo cruci affixus
est Dominus.

Bernhardus

Nihil poenae maior multa conscientia: Omnia
nam sicuti delictorum ipsa testis est, ipsa
iudex, ipsa torror, ipsa carcer, ipsa accusat,
ipsa iudicat, ipsa damnat.



Was mich FVA hat bordsorben
 Das hat mir AVF widerer worden.

Schola ad vitam eternam

8	Vita eterna	Das ewige leben	8
7	spes	Sohnung	7
6	probatio	Erfahrung	6
5	patientia	gedult.	5
4	Crux	vorführung	4
3	confessio	bekennnis	3
2	Fides	glaub	2
1	Auditus verbi	gottes wort	1

Reverendo in Christo omniumq; virtutum
 et doctrinarum genere pstanti Domino
 Christophoro ~~H. Salinger~~ Ecclesiae Christi, q̄a
 est in pago Litzhenli Wars Pastori nec non
 divini Verbi fidei ministro Domino suo
 Conservantia ac Fratri in Christo vigilan-
 tissimo, scripsit Henricus Heinsarius
 Glauensis iam exul. Anno: 95 die 28. Aug.
 C. M. L. J. R. G. M.

Jg ~~2699~~
2633

ULB Halle 3
003 509 664



SB

61

174







7

Kurtze Sünd

tröstliche Betrachtunge
vnser̄s heiligen Christlich̄s
en Glaubens / vnd der fur-
nemesten Artickeln / in sonder-
heit / von vergebung der sün-
den / Außerstehung des
Fleisches / vnd ewig
gem Leben /
Amen.

Durch Fürst Georgen
zu Anhalt / Thumprob-
sten zu Magdeburgē
vnd Meissen etc.

M. D. L.

